



異
北
戸
物
錄
附
校
勘
記
志



叢書集成
初編

王 玉 主
編 者
五 雲

商務印書館發行



異 物 志



3 0646 4564 5

揚 會
李 釗
撰 輯

異物志

本館據嶺南遺書
本排印初編各叢
書僅有此本

異物志

金鄰一名金陳。去扶南可二千餘里。地出銀。人民多好獵大象。生得乘騎。死則取其牙齒。御覽七百九十。

穿胸人。其衣則縫布二尺。幅合兩頭。開中央。以頭貫穿。胸不突穿。御覽七百九十。

西屠國。在海水。以草漆齒。用白作黑。一染則歷年不復變。一號黑齒。御覽七百九十。

按海水疑當作海外。漆齒當作染齒。御覽黑齒國下引異物志曰。西屠染齒。亦以放此也。可證此漆爲染之譌。

狼臙國。男無衣服。女橫布帷。出與漢人交易。不以晝市。暮夜會。俱以鼻嗅金。則知好惡。御覽七百九十。

按狼臙疑與藝文類聚事類賦引狼臙爲一。然臙御覽音燕。又似別爲一國。故並存之。

異物志

一

漢 南海楊 竿
清 南海會 劍



50619

085
112/
2:3021

食人齒及目甚鮮白。面體異黑若漆。皆光澤。為奴婢。強勤力。御覽七百九十。

雕題國。畫其面皮。身刻其肌而青之。或者錦衣。或者魚鱗。御覽七百九十。

烏滸。南蠻之別名。巢居鼻飲。射翠取毛。割蚌求珠為業。無親戚。重寶貨。賣子以接衣食。若有賓客。易子而

烹之。太平寰宇記一百六十四。

烏滸。南夷別名也。其落在深山之中。其種族為人所殺。則居其死所。且同殺主。若有過之者。是與非則仇

而殺之。文選吳都賦劉涓林注。

狼臙民。與漢人交關。常夜市。以鼻嗅金。知其好惡。事類賦九。

按藝文類聚卷八十三引。常夜市句。作常夜為市。

扶南國。昔但作大扇。遣人持之。不知人各自用也。事賦十四。

牂牁者。繫船筏也。其山在海中。小而高。似繫船筏也。俗人謂之越王牂牁。遠望甚小。而高不似山。望之以

為一株樹在水中也。御覽七百七十一。

按後漢書四夷傳注引作牂牁繫船杙也。

漲海崎頭水淺而多磁石。徼外人乘大船皆以鐵葉錮之。至此關以磁石不得過。黃泰泉廣東志二十四

黃頭人羣相隨行無常居處其類與禽獸同或依大樹以草被其枝上而庇陰其下髮正黃如掃帚見漢

人散入草終不可得也。御覽七百九十

儂耳夷生則鏤其頭皮尾相連并鏤其耳匡為數行與頰相連狀如雞腹下垂肩上食諸紡績為業。御覽七百

十九

交趾有橘官置長一人秩三百石主歲貢御橘。海錄碎事二十二

按事類賦卷二十七引與此同惟初學記卷二十引稱楊孚異物志今兩存之。

合浦民善游採珠兒年十餘歲使教入水官禁民採珠巧盜者蹲水底刮蚌得好珠吞而出。藝文類聚八十四

錦鳥文如丹地錦而藻續牙交俗人見其似錦因謂之錦鳥。初學記二十九形微大於雉其雌特有文章五色甚

可愛。御覽七百二十八

按藝文類聚牙交作采文。

木客鳥大如雀數千百頭為羣飛集有度不與衆鳥相廁人俗云木客白黃文者謂之君長有翼有綬飛高而正赤者在前謂之五伯居前正黑者謂之鈴下細色而頰雜者謂之功曹左脇有白帶似整囊者謂之主簿長次君後其五曹官屬各有章色廬陵郡東有之。御覽九百二十七

鷓鷯不生卵而孕雛於池澤間又吐生多者八九少者五六相連而出若絲緒水鳥而巢高樹枝或在窟穴之間。御覽九百二十五

按此條與陸佃埤雅稱楊孚異物志文字略同。

鷓鷯巢於高樹顛生子未能飛皆銜其母翼飛下地飲食。御覽九百二十五

鷓鷯其形似雌雞其志懷南不思北其名呼飛但南不北其肉肥美宜炙可以飲酒為諸膳也。御覽九百二十四

黃秦泉廣東志引作不思北徂又其名呼飛作其嗚呼飛。

鳥象雌雞。自名鷓鴣。其去懷南。不思北徂。黃秦泉廣東志五十四。

翠鳥似鷺。翡赤而翠青。其羽可以為飾。御覽九百二十四。

按章懷太子後漢書賈琮傳注引楊孚異物志同。班彪傳注引作可以飾幃帳。

翡赤色。大於翠。文選李善注十三。

孔雀形體既大。細頸隆背似鳳凰。自背及尾皆作員文。五色相繞如帶千錢。文長二三尺。頭戴三毛長寸

以為冠。足有距。栖遊岡陵。迎晨則鳴相和。御覽九百二十四。

孔雀其大如雁而足高。毛皆有斑文。采捕得畜之。拍手則舞。御覽九百二十四。

鷓鴣大如雄雞。色赤或黑。而能鳴。彈射取之。其肉香美。中作炙。御覽九百二十八。

苦鳥聲如人音。多懷悽愴。海錄碎事二十二。

東北荒中有獸名獬豸。一角。性忠。見人鬪則觸不直者。聞人論則咋不正者。續漢志劉昭注三十。

南方人以獼猴頭為酢。御覽九百一十。

獼猴類露鼻尾長四五尺樹上居雨則以尾塞鼻建安臨海北有之。鼯大如猿肉翼若蝙蝠其飛善從高

集下食火烟聲如人號一名飛生飛生子故也東吳諸郡皆有之。文選五劉淵林注。

猱然猿獼之類居樹色青赤有文日南九真有之。文選五劉淵林注。

獼猿屬頭形正方髮長尺餘皆蒼色犬類似人欲有所視輒搖頭兩手披髮不爾則覆障其兩目衣毛鬚

鬚若披狐裘木居深藏密伺乃得見耳。御覽九百八。

獼母狀如猿逢人則叩頭小打便死得風還活。廣韻一。

交趾封溪有猩猩夜聞其聲如小兒啼也。文選五劉淵林注。

鬱林大豬一蹄有四五甲多膏買者以鐵錐刺其頭入七八寸得赤肉乃動。御覽九百三。

日南多馱牛日行數百里。太平寰宇記一百七十一。

周留。如水牛也。毛青大腹。銳頭青尾。初學記三十一。蒼毛豕身。角若擔矛。衛護其犢。與虎爲仇。黃泰泉廣東志二十四。

麋狼。形似鹿而角觸前向。入林則挂角。故恆在平淺草中。逐入林則得之。皮可作履襪。角口口口。南人因

以作踞牀。初學記二十五。

按入林則得之句。與御覽引同。廣韻作則搏之。角下缺字。後漢書南蠻西南夷傳注。作正四據三字。平

淺草中。後漢書注有肉肥脆香美五字。因以作踞牀。後漢書注作因以爲牀。無踞字。

麋狼大如麋。角前向。有枝下出。反向上。長者四五尺。廣州有之。常居平地。不得入山林。文選五刻。淵林注。

犀角中特有光耀。白理如線。自本達末。則爲通天犀。章懷太子注。後漢書三。

靈狸。一體自爲陰陽。刳其水道連囊。以酒灑陰乾。其氣如麝。若雜真香。罕有別者。用之亦如麝焉。大觀本草十七。

白蛤狸。刳其外革囊。以酒灑而陰乾之。其氣如麝。若雜真麝中。鮮有別者。御覽九百八十三。

鼠母。頭脚似鼠。毛蒼口銳。大如水牛。而畏狗。水田時有。外災起於鼠。初學記三十一。

高魚與鱒相似。與蜥蜴於水上相合。常以二三月。有雌無雄。食其胎殺人。御覽九百四十。

鯨魚長者有數十里。雄曰鯨。雌曰鯢。或死於沙上。得之者皆無目。俗言其目化為明月珠。文選五劉淵林注。

朱厓有水蛇。鯨魚出合浦。長二三尺。背上有甲珠文。堅強可以飾刀口。可以為鋸。文選五劉淵林注。

蘆鯢似鱗。而有細文。多膏。肥美。形大如蘆管。本出地中。隨泉浮出。俗名蘆鯢。御覽九百四十。

南方魚多不肥美。惟鮓魚為上。大者長二尺。作鱗炙。尤香而美。御覽九百四十。

懶婦魚。昔有懶婦。織於機中常睡。其姑以杼打之。恚死。今背上猶有杼文瘡痕。大者得膏三四斛。若用照

書及紡織則暗。若以會衆寡歌舞則明。太平寰宇記一百六十五。

按海錄碎事引。與此文字略異。此引會衆寡歌舞句。似有誤文。當從海錄碎事作宴會歌舞。

鼉風魚。冬天數千萬頭。共處大窟中。藏上有白氣。或在鼉穴中。皮黑如漆。能潛知數里中空木所在。因風

而入空木。化為蝙蝠。其肉甚美。御覽九百四十。

鹿魚。頭上有兩角如鹿。初學記三十。

鮫魚皮可以飾刀。其子驚則入母腹中。初學記三十。

瑇瑁如龜。生南海。大者如籬籬。背上有鱗。鱗大如扇。有文章。將作器。則煮其鱗。如柔皮。廣韻四。

蝦種多。鮫最大。中作肺。御覽九百四十三。

蚌似車螯。絜白如玉。文選李善注十二。

蠹蝸子如蠶子。著草。葉得其子。母自飛來就之。廣韻一。

玉出崑崙。大觀本草三。

火齊如雲母。重沓而可開。色黃赤似金。出日南。文選五劉淵林注。

雲母一曰雲精。入地萬歲不朽。文選李善注十三。

榕樹栖栖。長與少殊。高出林表。廣蔭原邱。孰知初生。葛藟之儔。御覽九百六十。

木有摩廚。生於斯調。厥汗肥潤。其澤如膏。馨香馥郁。可以熬膏。彼州之民。仰為嘉肴。御覽九百六十

大觀本草卷二十二。摩廚子引。有生西域。二月開花。四月五月結實如瓜。許凡十六字。又馨香馥郁。作馨香穉射。仰為嘉肴。作仰以為儲。末又有斯調國名也。句。

斯調州有木名摩。樹汁如脂。太平寰宇記一百六十四

按此疑即上之摩廚。特脫廚字耳。

枿欄。椶也。皮可作索。枸椴樹也。直而高。其用與枿欄同。枿欄出武陵山。枸椴出廣州。木棉樹高大。其實如

酒杯。皮薄。中有如絲綿者。色正白。破一實得數斤。廣州日南交趾合浦皆有之。文選五劉淵林注

木蜜名曰香樹。生千歲。根木甚大。先伐僵之。四五歲乃往看。歲月久。樹材惡者腐敗。惟中節堅直。芬香者

獨在耳。御覽九百八十二

大觀本草卷十二引。蜜香蟲名。其葉如椿。

檳榔若筍竹生。竿種之精硬。引莖直上。不生枝葉。其狀若桂。其顛近上。未五六尺間。洪洪腫起。若塊木焉。因拆裂出若黍穗。無花而為實。大如桃李。又棘針重累其下。所以衛其實也。剖其上皮。煮其膚。熟而貫之。

硬如乾棗。以扶留古賁灰并食。下氣及宿食白蟲消穀。飲啖設爲口實。

齊民要術十。

檳榔樹若筍竹生竿。近上未五六尺間。洪腫起如癭木焉。因拆裂出。若麥秀也。無華而爲實。大如桃李。天生棘重累其下。所以禦衛其實也。剖其上皮。煮其膚。熟而實之。堅如乾棗。以扶留古賁并食。則滑美下氣。及宿食消穀。

藝文類聚

八十七。

按此與齊民要術引有詳略。故並存之。

古賁灰。牡蠣灰也。與扶留檳榔三物合食。然後善也。扶留藤似木防。以扶留檳榔所生相去遠。爲物甚異。而相成。俗曰扶留檳榔。可以忘憂。

齊民要術十。

椰樹高六七丈。無枝葉。如束蒲在其上。實如瓠繫。在於山頭。若挂物焉。實外有皮如胡盧核。裏有膚白如雪。厚半寸如豬膚。食之美於胡桃味也。膚裏有汁升餘。其清如水。其味美於蜜。食其膚。可以不饑。食其汁。則愈渴。又有如兩眼處。俗人謂之越王頭。

齊民要術十。

按文選吳都賦。劉淵林注引。作飲之。可以禦渴。與此引文義正相反。

荔支爲果多汁。味甘絕口。又小酸。所以成其味。可飽食。不可使厭。生時大如雞子。其膚光澤。皮中食乾。則

醮。小則肌核。不如生時奇。四月始熟也。御覽九百七十一

按齊民要術卷十引。乾則醮作乾則焦。

十。藤實雖名三藤。或有五六。長短四五寸。藤頭之間正巖以正月中熟。正黃多汁。其味少酢。藏之益美。齊民要術

三廉大實。實不但三。食之多汁。味酸且甘。藏之尤好。與果相參。黃泰泉廣東志二十三

枸櫞質如橘。大如飯筥。皮不香。味不美。可以澆治葛紆若酸漿。齊民要術十

按太平御覽引作皮有香。與此文義大異。

橘樹白花而赤實。皮馨香。又有善味。江南有之。不生他所。齊民要術十

按藝文類聚八十引。與此文字少異。

橄欖生南海浦嶼間。樹高丈餘。其實如棗。三月有花生。至八月方熟。甚香。木高大難採。以鹽擦木身。則其

實自落。大觀本草二十三

桂之灌生。必釋其族。柯葉不渝。冬夏常綠。

藝文類聚 八十九

益智類薏苡。實長寸許。如枳椇子。味辛辣。飲酒食之佳。

齊民要術 十

有木洪直。厥名杭梁。

御覽九百 六十一

梓棧大十圍。材貞勁。非利剛。截不能尅。堪作船。其實類棗。著枝葉重。曝挽垂刻。鏤其皮。藏味美於諸樹。

齊民

要術 十

葇母樹皮有益。狀似楸欄。但脆不中用。南人名其實為葇。用之當裂作三四片。

齊民要術 十

斯調國有火洲。在南海中。其上有野火。春夏自生。秋冬自死。有木生於其中而不消也。枝皮更活。秋冬火

死。則皆枯瘁。其俗常冬采其皮以為布。色小青黑。若塵垢洿之。便投火中。則更鮮明也。

三國志魏書 裴松之注 四

按御覽八十二卷。采其皮作采其毛。不及此之確。以木不應稱毛也。

有竹曰筥。其大數圍。節間相去局促。中實滿。堅強以為屋椽。斷截便以為棟梁。不復加斤斧也。

御覽九百 六十三

按齊民要術引以為柱棖。

質管生水邊長數丈圍一尺五六寸一節相去六七尺或相去一丈廬陵界有之始興以南又多小桂夷

人績以為布葛。文選五劉淵林注。

交趾稻夏冬又熟農者一歲再種。御覽八百三十九。

按此條初學記引楊孚異物志無稻冬二字而敘事又引異物志曰交趾一歲再種李善注文選吳都賦引異物志交趾稻夏熟農者一歲再種皆不如此條之詳明。

交趾草滋大者數寸煎之凝若冰破如博基謂之石蜜。御覽八百五十七。

科藤圍數寸重於竹可以為杖篾以縛船及以為席勝於竹也。御覽九百九十五。

葭蒲藤類蔓延他樹以自長養子如蓮葦著枝葛間一日作扶相連實外有殼裏又無核剝而食之煮而

曝之甜美食之不饑。齊民要術十。

石髮海草生海中石上叢生長尺餘大小如韭葉似蓆莞而株莖無枝以肉雜而蒸之味極美食之近不

知足。御覽一千。

甘藷似芋。亦有巨魁。剝去皮。肌肉正白如脂肪。南人專食以當米穀。齊民要術十。

蒟草樹果。如楸欄而小。三月採其葉。細破乾之。味近苦甘。并雞舌香食之。益善也。御覽九百七十四。

按廣韻引作葉如楸欄而小。子似檳榔可食。文選吳都賦劉淵林注。雖不稱異物志。然亦作葉字。則作

果字誤也。據廣韻又引字統云香草。則樹字亦誤。

藿香。交趾有之。豆寇。生交趾。其根似藿而大。從根中生。形似益智皮。殼小厚核如石榴。辛且香。藿葉大如累氣。猛近於臭。南土人擣之以爲蠶菱。一名藿蕘。生沙石中。藿類也。其累大。辛而香。削皮以黑梅并鹽汁

漬之。則成也。始安有之。文選五劉淵林注。

餘甘。大小如彈丸。視之理如定陶瓜。初入口苦澀。咽之口中。乃更甜美。足味。鹽蒸尤美。可多食。齊民要術十。

芭蕉葉。大如筵席。其莖如芋。取鑊煮之。爲絲。可紡績。女功以爲絺綌。今交趾葛也。其內心如蒜。鶴頭生。大如合拌。因爲實房。一房有數十枚。其實皮赤如火。剖之中黑。剝其皮。食其肉。如蜜甚美。食之四五枚可飽。

而餘滋味猶在齒牙間。一名甘蔗。御覽九百七十五。

按大如合拌。齊民要術引作大如今拌。

甘蔗遠近皆有。交趾所產甘蔗特醇好。本末無薄厚。其味至均。圍數寸。長丈餘。頗似竹。斬而食之。既甘。迨取汁如飴。名之曰糖。益復珍也。又煎而曝之。既凝而冰。破如博。其食之入口消釋。時人謂之石蜜者也。

齊民要術十。

香膏似茅而葉長大。茅不生洿下之地。邱陵山岡。凡所蒸享。必得此膏苞裹。助調五味。益其芬菲。御覽九百九十六。

悅城北百餘里有山。中出燠石。每歲人採之。琢為燒器。民亦賴之。太平寰宇記一百六十四。

按悅城唐縣。非楊書所應有。以其不著何人異物志。姑附於末。

謹按議郎著異物志一卷。其後沿襲其名。往往有之。如譙周異物志。引於蜀都賦注。薛瑩異物志。引於吳都賦注。孫暢異物志。引於初學記。曹叔異物志。引於爾雅翼。其他著錄隋唐史志者。亦不下數家。顧羣書引用。必著撰人之名。惟引議郎書。如齊民要術。引稻事類賦注。引橘之類。直稱異物志而已。然則羣書所引異物志。疑皆爲議郎書。蓋異物志創自議郎。惟議郎得以專其名。斯亦引述者之義例歟。余旣掇拾議郎遺書。并編此爲一帙。以無明文。別附前帙後。從疑事無質之義。用示矜慎云爾。己酉春。識於南園寓齋。南海曾釗。

右異物志一卷。漢南海楊孚孝元撰。國朝南海曾釗勉士輯。按是書義例。勉士廣文跋語亦已詳。謂其後沿襲異物志名者。則譙周、薛瑩、孫暢、曹叔數家。其他著錄史志者。却專紀南裔異物。隋志則萬震南州異物志一卷。唐志則房千里南方異物志。孟瑄嶺南異物志一卷。宋志則無名氏嶺南異物志一卷。是也。謂羣書引用。必著撰人。惟引先生書。直稱異物志而已。蓋異物志創自先生。惟先生得以專其名。亦見推重之意。然志贊本相因。疑物各有贊。而志卽其序也。如屈氏廣東文選所載桂云。桂之灌生。必粹其族。柯葉不渝。冬夏常綠。口匪桂植。在乎嵩岳。犀云。於惟元犀。處自林麓。食惟荆棘。體兼五肉。或有神異。表異以角。含精吐烈。望若華燭。置之荒野。禽獸莫觸。貝云。乃有大貝。奇姿難儔。素質紫飾。文若羅珠。不磨而瑩。采耀光流。思雕莫加。欲琢匪踰。在昔姬伯。用免其拘。南海縣志所載鷓鴣云。鳥象雌雄。自名鷓鴣。其去懷南。不思北徂。詞並古雅。屈氏廣東新語。謂亦詩之流。廣東詩實始先生者。何獨遺之。韻語原可並存也。校刊是書而特附載焉。庚戌穀日令節。後學伍崇曜謹跋。